

आकाशवाणी

खास-खास खबरां:-

- प्रधानमंत्री नरेन्द्र मोदी होर अज्ज गुजरात दे इक-रोजा दौरे पर जा'रदे न।
- सरकार नै मरदमशुमारी 2027 दे पैहले गेड़ दौरान पुच्छे जाने लेई 33 सोआलें दी सूची जारी कीती ऐ।
- अज्ज मुख भरै च महावीर जयंति मनाई जा'रदी ऐ।
- अमरीका दे राष्ट्रपति डोनाल्ड ट्रम्प होरें ईरान दे ऊर्जा स्रोतें ते होरनें जरुरी मूल ढांचे गी तबाह करने दी धमकी दिती ऐ।
- भारत दी शीतल देवी गी विश्व प्रतियोगिता च ऐतिहासिक जित्त सने होरनें असधारण उपब्धियें गितै विश्व तीरअंदाजी आसेआ Para- Archer of the Year 2025 गितै नामित कीता गया ऐ।
- मौसम सरबन्धी मैहकमे नै उत्तर पूर्वी राज्यें केरला-माहे ते पच्छिम बंगाल दे उप हिमालयी इलाकें च बड़ी भारी बरखा दी संभावना जताई ऐ।

<><><><><><>

PM- Gujrat

प्रधानमंत्री नरेन्द्र मोदी होर अज्ज गुजरात दे इक रोजा दौरे पर जा रदे न। प्रधानमंत्री होर Vav-Tharad थाहर 19 ज्हार 806 करोड़ रुपें दी लागत आली केई परियोजनाएं दा उदघाटन करगंन ते नीह पत्थर रक्खगंन। श्री मोदी होर बिजली- सिडक- ट्रांसपोर्ट- जरनैली सिडकें ते रेल मंत्रालय दी 10 ज्हार 921 करोड़ रुपें दी लागत आली परियोजनाएं दा उदघाटन करगंन ते नीह पत्थर रक्खगंन।

प्रधानमंत्री होर शैहरी विकास- जल संसाधन- पानी दी सप्लाई- सेहत ते परोआर कल्याण- सैलसफा ते गुजरात सरकार दे जनजातीय विकास मैहकमे दी 8 ज्हार 886 करोड़ रपे दी लागत आली योजनाएं गी शुरु करागंन।

<><><><><><>

PM- Rob Jetten

प्रधानमंत्री नरेन्द्र मोदी कल नीदरलैंड दे प्रधानमंत्री Rob Jetten हुंदे कन्नै टैलीफोन पर गल्लबात कीती। इक सोशल मीडिया पोस्ट च प्रधानमंत्री नरेन्द्र मोदी होरें आखेआ जे गल्लबात दौरान भारत ते नीदरलैंड दे सरबंधें गी होर मजबूत करने बारे चर्चा कीती गई। उनें आखेआ जे गल्लबात दौरान सैमीकंडक्टर- पानी सरबंधी बड़ी परियोजनाएं- ग्रीन हाइड्रोजन ते समर्थ विकास जनेह क्षेत्रें च सांझ-भ्याली गी होर तगड़ा करने बारे चर्चा कीती गई। श्री मोदी होरें आखेआ जे दौनें लीडरे बश्कार पच्छिम एशिया च बनी दी स्थिति बारे बी गल्लबात होई ते इलाके च तौले शा तौले शांति ते स्थिरता गी बहाल करने बारे जोर दिता गेआ।

<><><><><><>

Census 2027

सरकार नै 2027 आली मरदमशुमारी दे पैहले गेड़ दरान पुच्छे जाने आले 33एं सोआलें दी सूची जारी कीती ऐ। कल नमीं दिल्ली च इक प्रैस कांफ्रेंस गी सम्बोधित करदे होई भारत दे रजिस्ट्रार जनरल ते Census कमीशनर मृत्युंजय कुमार नारायण होरें जानकारी दिती जे मरदमशुमारी दंडु मरहलें च कीती जाग।

पैहले मरहले तैहत घरें-मकानें ते स्वगणना दी फहरिस्त जारी कीती जाग। पैहला मरहला पैहली अप्रैल थमां 30 सितम्बर तक्कर चलोग- जियां के राज्यें ते संघ शासित प्रदेशें आसेया निर्धारित कीता गेया ऐ।

कमीशनर होरें दसेया जे स्वगणना आली स्थूलत 15एं दिनें लेई पैहली अप्रैल थमां 31 अगस्त तककर करना तय कीती गेदी ऐ।

<><><><><><>

Mahavir Jayanti

24में ते अखीरी जैन तीर्थाकर भगवान महावीर जी दी जयंति दा पावन त्योहार अज्ज पूरे देसै च बड़े उत्साह ते भक्ति- भाव कन्नै मनाया जा'रदा ऐ। महावीर जयंति जैन समुदाय आस्तै इक शुभदिन मनेया जंदा ऐ ते एह ध्याडा उन्दे धार्मिक जीवन च बड़ा महत्व रक्खदा ऐ। भगवान महावीर दे अनुयायी इस दिन पूजा-पाठ करदे न ते रथ यात्रा झाकियें च हिस्सा लेंदे न। टकराव ते अराजकता दे इस दौर च भगवान महावीर हुंदी अहिंसा- सत्य- करुणा दी शिक्षां साढी बत्त गी होर बी सौक्खा करदियां न।

<><><><><><>

Prez – Mahavir Jayanti

राश्ट्रपति द्रौपदी मुरमू होरें मुल्लवै गी खासकरियै जैन भैहने ते भ्राएं गी महावीर जयंति दे मौके पर शुभकामनां दितियां न। अपने सनेह च उनें भगवान महावीर हुंदे 5 सिद्धांते बारे गल्ल कीती- जेड़े हर-इक गी जीवन च सेई बत्त पर चलने गितै प्रेरित करदे न। एह सिद्धांत न- अहिंसा- सत्य- Asteya- ब्रह्मचार्य ते Aparigraha। राश्ट्रपति होरें आखेया जे इनें सिद्धांतें गी अपनाइयै लोक अपने जीवन गी सार्थक ते समाज च सकारात्मक बदलाव लेऔने आला बनाई सकदे न।

राश्ट्रपति द्रौपदी मुरमू होरें आखेआ जे भगवान महावीर होरें समाज च बसी दी कूरीतियें खिलाफ आवाज चुकी ते हर-इक गी बेहतर जीवन जीने दी राह दस्सी।

<><><><><><>

President Visit

राश्ट्रपति द्रौपदी मुरमू होर अज्जै सवां बिहार ते कर्नाटका दे दौरे पर जा रदे ना। अपने दौरे दे पैहले दिन राश्ट्रपति होर बिहार दी राजगीर थाहर नालंदा युनिवर्सिटी दे दीक्षांत समारोह च शामिल होगंन। कल राश्ट्रपति होर कर्नाटका दी Tumakuru थाहर श्री सिद्ध-गंगा मठ च डाक्टर श्री श्री शिव कुमारा महास्वामी जी हुंदी 119मीं जयंति ते गुरु वंदना समारोह च शामिल होगंन।

<><><><><><>

Trump- Iran

अमरीका दे राश्ट्रपति डोनाल्ड ट्रम्प होरें धमकी दिती ऐ जेकर ईरान नै युद्ध गी समाप्त करने लेई तौले समझौता नेंई कीता ते ओदे ऊर्जा स्रोतें ते होरनें जरूरी मूल ढांचे गी तबाह करी दिता जाग। इक समाचार चैनल गी दिते गेदे इंटरव्यू च ट्रम्प होरें आखेआ जे अमरीकी फौज ईरान दे खरग आईलैंड च तेल दे निर्यात आले गड़ पर कब्जा करी सकदी ऐ। ईरान नै आखेआ ऐ जेकर ओदे इलाके पर चढाई कीती गेई ते ओ Persian Gulf गी तबार करी देग। अमरीका ते ईरान नै कल बी अपने-अपने हमलें जारी रक्खे जेदे दौरान ईरान नै कुवैत च पानी ते बिजली सरबन्धी मुख्ख सयंत्र गी निशाना बनाया।

<><><><><><>

Sheetal Devi

भारत दी शीतल देवी गी विश्व प्रतियोगिता च ऐतिहासिक जित्त सने होरनें असधारण उपब्धियें गितै विश्व तीरअंदाजी आसेआ Para- Archer of the Year 2025 गितै नामित कीता गया ऐ। जम्मू-कश्मीर थमां 19एं बरे दी शीतल देवी बगैर बावें आली पैहली महिला तीरअंदाज ऐ जिन्नै विश्व पैरा तीरअंदाजी प्रतियोगिता च सुन्ने दा तगमा जितेआ ते दक्खन कोरिया दी Gwangju थाहर महिला काम्पउंड वर्ग च शीर्ष थाहर हासल कीती। उन्नै प्रतियोगिता च टीम वर्ग च चांदी दा ते मिक्सड टीम वर्ग च कै दा तगमा बी हासल कीता।

दौने बावें थमां महरुम शीतल देवी अपनी लत्ते-पैर ते कंधे दा इस्तेमाल करियै तीरअंदाजी करदियां ना। उनें पैरिस ओलम्पिक च मिक्ड टीम वर्ग च कैं दा तगमा- एशियन पैरा गैम्स ते एशियन प्रतियोगिता च चांदी दा तगमा बी जितेआ ऐ।

<><><><><><>

Weather

मौसम सरबंधी मैहकमे नै उत्तर पूर्वी राज्यें केरला-माहे ते पच्छिम बंगाल दे उप हिमालयी इलाकें च बड़ी भारी बरखा दी संभावना जताई ऐ। मौसम मैहकमे ने दिल्ली- हरियाणा- छत्तीसगढ़- महाराष्ट्र ते उड़ीसा च अज्ज गर्ज दे कन्नै भारी बरखा दी पेशनगोई कीती ऐ। मैहकमे मुजब जम्मू-कश्मीर- आंध्र प्रदेश ते झारखंड च बी समान स्थिति बनी दी रौहग। मैहकमे ने पूर्वी राजस्थान- पंजाब- तेलंगाना ते उत्तर प्रदेश च अगले दंऊ दिने तोड़ी भारी बरखा ते बिजली कड़कने दी संभावना जताई ऐ।

<><><><><><>

IPL

IPL क्रिकेट च जंदी रातीं गोहाटी दे बारसपारा स्टेडियम च खेडुे गेदे मैच च राजस्थान रॉयल्स नै चिनेई सुपर किंगस गी 8एं विकटें कन्नै हराई दिता। पैहले बल्लेबाजी करदे होई चिनेई दी टीम 19 इशारिया 4 ओवरें च 127 रन्ज गै बनाई सकी। 128एं रनजें दे लक्ष्य दा पिच्छा करदे होई राजस्थान दी टीम नै 12 इशारिया इक ओवर च 2 विकटें दे नुक्सान पर जित्त हासल करी लैती।

<><><><><><>